



Broj: KSI-16-266/24

Brčko, 05.01.2025. godine

Na osnovu člana 25. Zakona o sprečavanju sukoba interesa u institucijama Brčko distrikta BiH („Službeni glasnik Brčko distrikta BiH“, broj: 04/21) Komisija za odlučivanje o sukobu interesa na 110. sjednici održanoj dana 09.01.2025. godine donosi

**UPUTSTVO O IZMJENAMA I DOPUNAMA UPUTSTVA
O NAČINU POPUNJAVANJA IZVJEŠTAJA O IMOVINSKOM STANJU NOSIOCA
JAVNE FUNKCIJE NA OBRASCU O IMOVINSKOM STANJU NOSIOCA JAVNE
FUNKCIJE, BRAČNOG I VANBRAČNOG DRUGA, DJECE I DRUGIH ČLANOVA
DOMAĆINSTVA KAO I LICA PREMA KOJIMA NOSILAC JAVNE FUNKCIJE IMA
ZAKONSKU OBAVEZU IZDRŽAVANJA**

Član 1.

U Uputstvu o načinu popunjavanja Izvještaja o imovinskom stanju nosioca javne funkcije na Obrascu o imovinskom stanju nosioca javne funkcije, bračnog i vanbračnog druga, djece i drugih članova domaćinstva kao i lica prema kojima nosilac javne funkcije ima zakonsku obavezu izdržavanja član 2. stav (2) mijenja se i glasi:

„(2) Obrazac o imovinskom stanju dostupan je na Internet stranici Komisije za odlučivanje o sukobu interesa (u daljnjem tekstu: Komisija) www.sukobinteresabd.ba.“

iza stava (2) dodaje se novi stav (3) koji glasi:

„(3) Nosilac javne funkcije obavezan je Obrazac o imovinskom stanju popuniti elektronski u word dokumentu, te nakon toga odštampati i sa priložima predati u prostorije Komisije na adresi Trg mladih broj 8.“

Član 2.

U članu 3. iza stava (2) dodaju se novi stavovi (3), (4), (5), (6), (7) i (8) koji glase:

„(3) Nosilac javne funkcije, obavezan je uz Obrazac o imovinskom stanju priložiti i odgovarajući dokaz odnosno pravni osnov sticanja odnosno raspolaganja imovinom upisanom u Izvještaj (ugovor o kupovini i prodaji pokretnih i nepokretnih stvari, ugovor o poklonu, rješenje o nasljeđivanju i slično) stečene ili otuđene u periodu od 01.01.2024. do 31.12.2024 godine ili od dana početka obavljanja javne funkcije.

(4) Nosilac javne funkcije, obavezan je pri svakoj dopuni Izvještaja zbog povećanja ili smanjenja imovine kako svoje tako i bračnog i vanbračnog druga, djece i drugih članova domaćinstva, kao i lica prema kojima nosilac javne funkcije ima zakonsku obavezu izdržavanja uz Obrazac o imovinskom stanju, priložiti i dokaz odnosno pravni osnov sticanja i

raspolaganja imovinom upisanom u Izvještaj o imovinskom stanju shodno članu 20. stav (6) Zakona.

(5) Nosilac javne funkcije obavezan je u svakoj tabeli Obrasca o imovinskom stanju, koja sadrži rubriku „vrijeme i način sticanja“, obavezno navesti godinu sticanja ili otuđenja pokretne i nepokretne imovine i tačne podatke o načinu sticanja odnosno izvorima sredstava iz kojih je stečena imovina odnosno svim prihodima od raspolaganja imovinom.

(6) Nosilac javne funkcije obavezan je obavijestiti Komisiju o svakom finansijskom interesu koji ostvari on ili član uže porodice iz budžeta (poslovanje s organima i institucijama, podsticaj, donacija, grantovi, olakšice i kreditna sredstva), koji se prijavom u odgovarajuću tabelu Obrasca o imovinskom stanju, dostavlja kao dopuna Izvještaja o imovinskom stanju (*rubrika: drugi prihodi bračnog druga, drugi prihodi djece, roditelja itd.; podaci o ostalim prihodima; podsticaji/donacije/stipendije; udjeli, dionice, papiri od vrijednosti, obveznice, udjeli u pravnim licima, samostalna djelatnost i slično*).

(7) Nosilac javne funkcije nije obavezan obavijestiti Komisiju dopunom Izvještaja o finansijskom interesu odnosno dobiti ili dohotku koji ostvari on ili član uže porodice tokom godine, ako se ne radi o novčanim sredstvima dobijenim iz budžeta.

(8) Ostvareni finansijski interes iz stava (6) i ostvarena dobit ili prihod iz stava (7) ovog člana prijavljuje se u godišnjem Izvještaju o imovinskom stanju do 31.03. tekuće godine za prethodnu godinu“

Član 3.

Ovo Uputstvo stupa na snagu danom donošenja i objavit će se na internet stranici i oglasnoj ploči Komisije.

Broj: KSI-13-14/23-1

Datum: 09. 01. 2025. godine

Predsjednik
Komisije za odlučivanje o sukobu interesa

Admira Mujić, dipl. pravnik

